



器之巧蝦夷撲魯而所長惟小弓發毒箭而已
 是以當屈捺矢律未靖之時松前之民傳訛言
 曰屈捺矢律與惡魯識亞合將導其兵以襲我
 盖自近蝦夷為之憂怖不安而松前之民則率
 皆荷擔而立其秋七月 公於是命工製一大
 木砲口径三尺餘長一丈四尺一發火藥五斗
 實以石塊若泥丸數十石砲既成乃 命運石
 於城中且分遣數卒於郊外作泥丸其大如斗
 民觀之者皆大驚詫因又相傳云我 公有如
 是之大砲雖惡魯識亞數千騎可以立成齏粉
 矣彼不足畏耳民因遂皆安其業如平日無幾
 諸酋長來朝 公又命置其大砲於廳前諸蝦
 夷皆為吐舌而威慄其仰歎之意盖倍於久熟
 之夷云三年夏五月 公令其臣松前廣英來
 京謁愿投贄且傳 公命請愿作其大砲記前
 此 公令人入京請愿作其詩而愿已獻之及
 春三月 公臣蠣崎廣年亦有奉 公命入京
 在其旅舍作其來服酋長有功者十二人圖像
 其畫精緻異常愿因往觀焉是以亦與廣年相
 識及 令廣英請記愿因叩二人以其作砲之

